



ATASSUT

UKA 2016/123-1

Siverth K. Heilmann

27. 09. 2016

Aalisarneq pillugu Inatsisartut Inatsisaata allanngortinnera pillugu Inatsisartut inatsisaat nr. xx, xx.xxx 2016-imeersoq. (Aalisarsinnaanermut akuersissutinik tunniussisarnerup kommunalbestyrelsinut nuunneqarnissaa pillugu aalajangersakkamik eqqussineq)
(Aalisarnermut, Piniarnermut Nunalerinermullu Naalakkersuisoq)

Naalakkersuisut Aalisarsinnaanermut akuersissutinik tunniussisarnerup kommunalbestyrelsinut nuunneqarsinnaanera pillugu imatut naatsumik ATASSUT-miit oqaaseqarfigissavarput.

Nunatsinni inuussutissarsiutitta pingaarnersaanni aalisarnermermi, ukiunilu kingulerni arlaqalersuni oqallisaaqisoq, aalisarsinnaanermut akuersissutinik tunniussisarnerup sukkanerusumik pisariinnerusumillu anguniarneqarluni, kiisami inatsisartunut aalajangiiffigineqartussamik Naalakkersuisut saqqummiussaqqarput.

Siunnersuulli imaqaannarpoq, aalisarsinnaanermut akuersissuteqartarnerup kommunalbestyrelsinut nuunneqarnissaa, 1. Januar 2017-imilu atuutinneqarnissaa. ATASSUT-miit akisussaaffiup nuunneqarnissaa tunngaviatigut ajorinngilarput isumaqatigalugulu.

Taamaattorli inatsisiliortutut ugornarpoq, maani inimi partiiniit aalisarneq pillugu oqallittarnerpassuatsinni, aalisarsinnaanermut akuersissuteqartarnerup pitsaaqutai aporfiusinnaasullu pillugit naleqqussarneqartariaqarnerinik oqariartuutigisartakkagut oqaaseqarfigineqaratik kommuunenut akisussaaffiup nuuginarneqarnissaaanik siunnersuut imaqarpassinnerummat.

Piviusuuvoq pingaartumik illoqarfinni assigiinngitsuni, allaat sinerissap qanittuani aalisartooriarluni kilisaatini inuttanngorpata paarlattaalersimappata, aalisartutoqarsuit sulilu utoqqalinersiuteqalersimaneq uniffiginagu pilersueqataarusuttut tamakkiisumik tapersorsorneqarsinnaanerat killilerujussu-

armillu taperserpeqarneq itigartitsinernilluunniit ingerlariaqqikkusuttut unittoornerannik kinguneqartartunik imaluunniit aalisariuteqareersut angallamminnilu sivisuumik ajutoortoqarsimatillugu GR- nr.-moqartussaataaneq pissutigalugu, utaqqiisaasumik umiatsiaaqqamik aalisakkat killilersugaanngitsunut allaat, tunisinnaanerat akimmisaartinneqartarluni.

Taakkua assersuutissaminiinnanguit taavakka, taamaattumik ATASSUT-miit pissusissamisoornerpaasussatut isigaarput, akisussaaffimmik kommuuni-nut tunniussinnginnermi ajornartorsiutaasartut aaqvigineqarnissaat ajornangippallu nunatsinnut assigiinnginnerusumik inatsiseqarnissarput malitaqarnissarpullu aqqissuuttariaqaripput. ATASSUT-miit neriuutigaarput nalornissutaasinnaasut eqqumaffigineqarlutik matumani saqqummiussatsinnut Naalakkersuisuni akissuteqarfigineqassasut?

Taamak naatsumik oqaaseqarluta inassutigissavarput, suliaq aappassaaneerpeqannginnermini aalisarnermut piniarnermullu ataatsimiititaliamut ingerlateqqaarneqassasoq.